



دولة ليبيا

مكتب النائب العام

التاريخ: 2024, 7, 23

الموافق: م

الإشاري: 2024 / 923

السيد // مدير مكتب النائب العام

بعد التحية،،،

بالإشارة،،، الي كتاب السيد رئيس النيابة بمكتب المحامي العام طرابلس رقم اشاري (1.1.3742) والمؤرخ في (2024/05/29م) والمقيد بسجل وارد القسم (626) بتاريخ (2024/06/02م) والمحال بموجبه عدد (2) (فلاش ميموري) وذلك لتفريغ محتواها الي محتوى مكتوب.

عليه،،،

نحيل،،، إليكم التقرير الفني مرفق بقرص مدمج يحتوي على ما تم تفريغه كتاييا من بيانات.

والسلام عليكم

المرفقات:

- فلاش ميموري فضي اللون (32 جيجا).
- فلاش ميموري فضي اللون (4 جيجا).

نائب النيابة

عمر محمد اسكيليح

(رئيس قسم ضبط شؤون المعلوماتية والاتصالات)

صورة إلى:

- الأستاذة المستشار النائب العام.
- وحدة المعلومات والنوتيق.
- السلف الدوري بالأرشيف.

18



التاريخ / 21 ذي القعدة 1445 هـ

الموافق / 29-5-2024 م

الإشاري / 1-1-3742

السيد / رئيس قسم ضبط شؤون المعلوماتية والاتصالات

بمكتب النائب العام

تحية طيبة وبعد...

بالإشارة إلى ملف الشكوى رقم (2024/1113 م) والمقدمة من المشتكي (علي عمر قرين) والتحقيقات الجارية فيها .

وإلى الطلب المقدم من دفاع المشتكي بخصوص إرفاق عدد من التسجيلات الصوتية على تطبيق (الواتس أب) والتي دارت بين المشتكي والمشكو فيه حسبما جاء في الطلب .

عليه ..

نأمل منكم إفراغ محتوى التسجيلات الصوتية المرفقة طية كتبنا هذا إلى محتوى مكتوب ، وهل تتطابق الأرقام والبيانات بين الشاكي والمشكو فيه .

والسلام عليكم

الساعدي المصري قطنش

رئيس النيابة

بمكتب المحامي العام طرابلس

مكتب النائب العام
وحدة الوارد العام

2024-05-29

8167

مكتب النائب العام
قسم المعلومات والتوثيق

02.06.2024

الوارد العام
قسم التوثيقمسورة إلى
الملف الصادر العام
المنظومة
تاريخ 20240527

رقم التقرير	23-03-67
التاريخ	17 07 2024م



دولة ليبيا

مكتب النائب العام

قسم ضبط شؤون المعلوماتية والاتصالات

التقرير الفني

لون المبرزة // فضي

موديل المبرزة // SanDisk

نوع المبرزة الأولى // فلاش ميموري

H R G 1 9 0 9 S 7 3 1 8 Z

الرقم التسلسلي المبرزة (1) //

G.B 3 2

مساحة الذاكرة الداخلية (1) //

لون المبرزة // فضي

موديل المبرزة // غير معروف

نوع المبرزة الثانية // فلاش ميموري

/ / / / / / / / / / / / / / / /

الرقم التسلسلي المبرزة (2) //

G.B 4

مساحة الذاكرة الداخلية (2) //

تم تحريز المبرزة بحوزة // دفاع المشتكى (علي عمر قرين) بصفته // دفاع المشتكى

الموضوع // التحقيقات جارية في ملف الشكوى رقم (2024/1113م) واردة القسم (626).

ملاحظات عن حالة المبرزة عند استلامها	=
المبرزة الأولى فلاش ميموري تشتغل بحالة سليمة.	1
المبرزة الثانية نوع فلاش ميموري تشتغل بحالة سليمة.	2

اعتماد رئيس قسم ضبط شؤون المعلوماتية والاتصالات
بمكتب النائب العام

إعداد: 18 إشراف: 12

المُلخَص العام للتقرير الفني

للمبرزة الأولى فلاش ميموري نوع (SanDisk) (32 جيجا)

بعد استخراج البيانات المخزنة في المبرزة الأولى فلاش ميموري نوع (SanDisk) المحالة إلينا وأجراء الكشف الفني عليها تبين أنها تحتوي على عدد (10) مقاطع تسجيلات صوتية لتطبيق (الواتس اب) ويعتقد بأنها بين المشتكي (علي قرين) وشخص آخر يدعى (جمال) حسب ما ورد بالمقاطع وقد تم تفرّيغها كتابيا وهي كالتالي:

1 المقطع الأول يحمل اسم (1111) ومدته الزمنية (02:25) دقيقتان وخمسة وعشرون ثانية.

بداية التفرّيغ

علي: فضفض فضفض هي.

جمال: ههههه والله يا عليوة الا انت تبي الحق؟ اسمع الوووووو.

علي: نسمع فيك.

جمال: بالله شن الأمور عند في مصر؟

علي: أنى والله الا في دبي.

جمال: مشيت لدبي؟ باهي حتى دبي باهية.

علي: مولتي (لمصر) راه مولتي يوم الأربعاء الجاية.

جمال: حرارة والله الا حرارة.

علي: شن هي حرارة؟

جمال: دير موضوع دجاج فراخ غادي.

علي: الحمد لله ربي يرزقني تعرفني أنى راجل خدام على حالي مش زيك حرايمي.

جمال: هههه بالله؟

علي: اممم.

جمال: باهي، تعرف يا (علي) نقولك على حاجه؟

علي: ايه.

جمال: ضروري اليوم ما تعرفها إن ربي معاي، ريت الدولار أنى قداش ناخذ فييبه؟ بش ربي

يعوضني الخسارة اللي خسرتها معاك أه؟ ان هو طاح طول يا معلم الدولار وركب، الله يبارك

اللي كان بخمسة ولا بسبعة ونص ثمانية.

اعتماد رئيس قسم ضبط شؤون المعلوماتية والاتصالات

بمكتب النائب العام

إعداد: 18 إشراف: 12

جمال: بب بب بب هههههه.

علي: واللّه الا بفلوسي.

جمال: باللّه عليك؟!

علي: واللّه الا بفلوسي، أصلا انت ليك سنة من بعد قضية (لؤي) خنبت منه 300 اه (ثلاثه مليون واربعماية ألف) معاش نصبت الا على (علي قرين).

جمال: باهي وقبلها؟

علي: وقبلهااااا (الشكاحي) وقبلها (الشيباني) وقبلها اه اه اه..

جمال: (الشكاحي) نص مليون اه (الشكاحي)؟

علي: ايه (نص مليون) ايه، وقاعد متهجع ولا خلصك؟

جمال: لا لا لا هذا هذا هذا موضوع عايلي.

علي: قاعد متهجر؟

جمال: من هو؟

علي: (علي الشكاحي)؟

جمال: واللّه مرحبتين في حوشه مسكين.

علي: ال... اسمع كان منخليكش تسامحهم كلهم.

جمال: انسامحهم.

علي: كلهم ريتهم اللي ظالمهم؟ ومهجرهم كان منخليكش أني (علي قرين) تسامحهم وبعدها حتى بنموت بتقتلني أني راضي.

جمال: عليا الطلاق يا (علي) الا عندي زوز هدف..... (كلام غير مفهوم).

علي: شن هي؟

جمال: ان شاء الله نموت غدوااا عندي زوز هدف، فلوسي....

علي: شن معناها زوز هدف؟ (تداخل أصوات)

جمال: (كلام غير مفهوم)

نهاية التفريغ

3 المقطع الثالث يحمل اسم (3333) ومدته الزمنية (00:39) تسعة وثلاثون ثانية.

بداية التفريغ

جمال: ومش عارف في المحضر مداير (27) ورقة!!

علي: وسع بالك وسع بالك متستعجلش على روحك..

جمال: محرر العقود تعرف شن قال؟

نهاية التفريغ

المقطع الخامس يحمل اسم (5555) ومدته الزمنية (01:58) دقيقة وثمانية وخمسون ثانية.

5

بداية التفريغ

جمال: كلام غير مفهوم ... المحامية (صبري)

علي: باهي المحامية هي اللي سلمت .. المحامية (ايمان بوشيبه) سلمت اليوم (محمد) خوي تمام.

جمال: منعرفش أنى..... (تداخل أصوات)

علي: بش يكون في علمك أنى (محمد) خوي مسلمه بيديا وانت تبعتني في الطريقة اللي انت

مكنتش متوقعها ودارتلك الرعاش، لكن انت طقيت في اللحمة الحلوة طقيت في الرجل

التعبان المريض اللي راجل على حاله النية (عماد قرين).

جمال: انت سلمته خوك (محمد)؟

علي: أنى سلمته بمحضر اللي طبيت بيه خوك (زكريا) لما هددتوه بثلاثة أربع سنين حبس انت

و(باكا التومي) وتستخدموا في الناس، وكلها (صبري) على قولتك.

جمال: باهي كويس، انت (زكريا) طبيته؟

علي: (زكريا) مطيتاش أنى طبه مركز باب بن غشير.

جمال: عليا الطلاق كذاب انت.

علي: والله الا كذاب اهونا خش مش قعدت تعيط وتقوللهم خوي الشاكي خوي الشاكي

ههههه.

جمال: عليا الطلاق مان..... عليا الطلاق بالتلفون ثلاثة عليا الطلاق لا بكيت ولا عيطت على

واحد تي انت مش هما طلعهو روحوا بيه طول للحوش، تي حمار انت والله ما فاهم حاجه اما أنى

قتلك بارك الله فيها (المحامية) والله ما قصرت معاكم الحق.

علي: انت معاش فهمتك سلمت (محمد) ولا مقصرتش معنا؟

جمال: والله ما نعرف عالمهم والله العظيم الا كلها (صبري) ره وانت تعرفها كلمة (صبري).

علي: والله الا منخليك ترقد...

علي: ايه لكن باذن الله خالي باهي بتخليني نقولها الجملة اللي في خاطري نقولها ولا متبيش؟

جمال: والله العظيم ما عاد نسمعك كلها (صبري)..... (تداخل أصوات)

علي: خلاص امانا تصبح على خير...

جمال: غر اسمع كل ما ادير حاجة نقصلك دابرك...

علي: قص قص.

جمال: كل ما ادير حاجة اما عليا الط.....

نهاية التفريغ

المقطع السادس يحمل اسم (6666) ومدته الزمنية (03:50) ثلاث دقائق وخمسون ثانية.

6

بداية التفريغ

(تداخل أصوات)

علي: انت جاهل انت جاهل ره.

جمال: (محمد) يوم اللي تنازلتله عالشقة في تركيا...

علي: (محمد)؟!

جمال: خوك من اللي خداها مني اللي استلم درتله عقدا؟

علي: انت استلمت انت سلمت (محمد) خوي شقة؟!

جمال: تي من امانا، تي عليا الطلاق الا صوت وصورة يا (علي)، يا (علي) لمن سلمتها به؟ لمن سلمتها أنى هي؟ ليك انت كذاب انت.

علي: عليا الطلاق الا سلمتها الا ليا أنى، وانت الكذاب وقاعد تبي تكذب وانت مادامك قاعد..

(كلام غير مفهوم) بش تكذب، انت سلمت تي سلمت عينك مش سلمت (لمحمد) سلمت عينك

تي (محمد) بعيد على راسك للوح ...

جمال: حي حي!

علي: بعيد على راسك للوح ولد طايح من الدور الخامس مريض اتقول سلمتها (لمحمد) يا مصري.

جمال: باهي انت برا قول (للدبوري)

علي: تي اما انت أكبر مزور انت أكبر مزور، أنى نبي نفهمك على حاجه خليك انت خليك

من الخرافات هيا اللي تقول فيها تعرف على شن ترككز؟ أنى نبي نطلب منك طلب عادي؟

جمال: تفضل.

علي: نبيك تصكرتوا بعد ما تصكروني..

جمال: ايه.

علي: نبيك تفكر بينك وبين نفسك، لكن هذه بعيدة على خشمك تعرف علاش؟ لان انت

ربي ضالك معاش فيك معاش تقدر ترجع لكن اللي نحمد فربي عليها وصابر نفسي أنك انت

بينك وبين نفسك يا مصري يا مصري اللي متحبهاش ريتها هذيكا يا مصري أنك انت، شن هي؟

جمال: كويس.

علي: أنك انت بينك وبين نفسي عارف روحك قدام ربي هاردني وواحد رزقي بينك وبين نفسك

مفيش قضاء انت فكر فيها لين يتم شحن راسك مش شحن تلفونك مش تلفونك اللي شاريهولك

أنى

اعتماد رئيس قسم ضبط شؤون المعلوماتية والاتصالات

بمكتب النائب العام

إعداد: 18 إشراف: 12

جمال: (كلام غير مفهوم).

علي: مش تلفوناتك اللي شاريهملك أنى يا (مسخ) مش حوشك اللي منظفهولك أنى ومزوقهولك وخبنتي فيه.

جمال: هذا هو...

علي: تي حوشك اللي راقد فيه هذا رزقي.

جمال: اللي مزوقهولي؟!

علي: اللي مزوقهولك واللي مصينهولك ومخلصتنيش فيه يا خانب، السانية اللي مقعمر تخطط فيها هذه كلها متعي.

جمال: باهي عندك فيهم ورق؟

علي: معنديش انت راجل ورق أنى راجل عندي ورقة ربي.

جمال: أه... (كلام غير واضح).

علي: ريت كتفك اللي عاليسار؟ كتفك اللي عاليسار، أنى راجل جاهل أنى في القانون منعرفش ومغفل.

جمال: مش قتلي أنى راجل متعلم؟

علي: لا لا لان أنى صفت نيتي وكان وكنت مصفي نيتي لكن انت كنت خبيث خبيث، تعرف ورقتي وين تلقاها؟

جمال: اممم؟

علي: ورقتي اشبح لكتفك اليسار وقوله يا ربي بالله شن كاتبلي (علي) هني؟ توا تلقاها. الله يخفف عليك الراحة الله يخفف عليك الهني (تداخل أصوات)

جمال: (كلام غير مفهوم)

علي: الله يباعد عليك الله يباعد عليك الراحة الله يباعد عليك الاطمئنان نسأل الله العلي القدير يبين فيك عجائب قدرته اللهم باسمه القوي المتين اللهم باسمه القوي المتين اللهم باسمه

القوي المتين اللهم باسمه القوي المتين، زيد تحداه الاسم زيد زيد تحدا اسم ربي زيد تحدا اسم ربي القوي المتين القوي المتين انت تعرف مادامك متصل بيا الساعة (3) انت مادامك متصل بيا الساعة

(3) أنى عارفك مش قادر ترقد ره.

جمال: عليا الطلاق الا سلمت لخوك.

علي: تي شنو شنو

نهاية التفريغ

المقطع السابع يحمل اسم (7777) ومدته الزمنية (01:04) دقيقة وأربع ثوان.

بداية التفريغ

جمال: ريته بوك كيف فكيتته كفين فم الباب؟ بعون الله الا ما تاكلهم حتى انت.

علي: انت ضربت بوي؟

جمال: أيه.

علي: هذه مسمعتش بيها ره.

جمال: ايوااا ريت؟ والله يا (علي) الا ما تاكلهم كفين مني.

علي: كفين؟

جمال: أيه (كلام غير مفهوم).. احني نبوا الدولة تاخذ حقنا.

علي: ايه ونبي كفين؟

جمال: ايه.

علي: باه.

جمال: باهي وعن قريب...

علي: باهي اسمع نطلب منك طلب؟

جمال: وعن قريب.

علي: باه نطلب منك طلب.

جمال: تفضل.

علي: نطلب منك طلب ولا منطلبش؟

جمال: اتفضل.

علي: بنقولك على حاجة.

جمال: ايه.

علي: كانك انت طلعت اض... انت انت كانك ضربتني كفين.

جمال: ايه.

علي: كانك انت ضربتني أنى (علي قرين) كفين قبل ما ربي يأخذ فيك الحق.

جمال: ايه.

علي: صحة ليدك.

جمال: تكفي ان أنى آه خديت حقي من (كلام غير مفهوم) ... هي صكر، عادي حتى ربي

يرفعني المهم انت يا خوي أنى خديت (كلام غير مفهوم).

نهاية التفريغ

المقطع الثامن يحمل اسم (8888. unknown) ومدته الزمنية (00:47) سبعة واربعون ثانية.

8

بداية التفريغ

علي: تي بوي بنتصل بيك على خوي!
جمال: تي لا يا راجل تي عارفك قلبك ميت أنى
علي: أنى ساولتك بالله ورحمة الجبالية اللي حرام فيك تكون أمك...
(تداخل أصوات)

جمال: ادير في روحك متع شموخ...
علي: ورحمة الجبالية اللي حرام فيك تكون أمك.
جمال: غراسم غراسم.
علي: اللي حرام فيك تكون أمك.
جمال: (كلام غير مفهوم) خير ما أمك نشردهالك.
علي: نظم امورك شردها امي برا .
جمال: عليا الطلاق ره.
علي: شردها امي برا امشي.
جمال: ره بالطلاق ره.
علي: انت انت ورحمة الجبالية رحمة الله الله عليها وألف رحمة ونور.
(تداخل أصوات)

جمال: انت كل ما ادير حاجه نطلعلك.
علي: حرام فيك تكون أمك واهو نعاودلك فيها.
جمال: هوربي بياخد الحق فيا انت عالمهم مخديتاش انت.
علي: أنى منبيش واخذ والله أنى الامساير.
جمال: خليك من ربي ربي بياخذ مني... (كلام غير مفهوم).
علي: خليني من ربي!!

نهاية التفريغ

المقطع التاسع يحمل اسم (9999. unknown) ومدته الزمنية (00:55) خمسة وخمسون ثانية.

9

بداية التفريغ

علي: (كلام غير مفهوم).. ماني مدايرها ليا أنى لاراه.
جمال: يا (علي) الا ما ننخصك في سريرك.

علي: تنخصني؟

جمال: والله يا (علي).

علي: أيه؟

جمال: والله والله والله يا (علي) الا ما ننخصك في سريرك الا ما انوضك من سريرك.

علي: توكل عالله.

جمال: يا (علي)

علي: توكل عالله.

جمال: والله يا (علي) والله يا (علي) بعون الله يا (علي) الا ما تلقاني واقف فوق راسك.

علي: سبحان الله.

جمال: والله يا (علي) والله الا عن قريب...

علي: آه بطني وجعتني خفت عند علم.

جمال: لا مش خفت.

علي: أيه؟

جمال: والله يا (علي)...

علي: عندك علم شكله مازال فيه شوية جبن ره.

جمال: الا ما نجيبك (لليبيبا) بايديا.

علي: اسمع عندك علم شكله مازال فقلبي فيه شوية جبن.

جمال: والله لا بيديا، غر اسمع كان (جمال) كان هوا مجابكش من (مصر)؟ (كلام غير مفهوم).

علي: ايه؟ سبحان الله.

نهاية التفريغ

المقطع العاشر يحمل اسم (1000000) ومدته الزمنية (00:19) تسعة عشر ثانية

بداية التفريغ

علي: أنى (علي قرين) تسامحهم وبعدها حتى بنموت بتقتلني أنى راضي.

جمال: عليا الطلاق يا (علي) الا عندي زوز هدف (كلام غير مفهوم).

علي: شن هي؟

جمال: ان شاء الله نموت غدوااا عندي زوز هدف، فلوسي....

علي: شن معناها زوز هدف؟ (تداخل أصوات)

جمال: (كلام غير مفهوم)

نهاية التفريغ

الملخص العام للتقرير الفني

المبرزة الثانية نوع فلاش ميموري (4 جيجا)

بعد استخراج البيانات المخزنة في المبرزة الثانية فلاش ميموري المحالة اليها واجراء الكشف الفني عليها تبين انها تحتوي على عدد (7) مقاطع تسجيلات صوتية وقد تم تعريفها كتابيا وهي كالتالي:

1 المقطع الأول يحمل اسم (1...unknown) ومدته الزمنية (00:34) أربعة وثلاثون ثانية.

بداية التفريغ

والله الا خشيتلي في مواضيع ثانية يا (علي)، اسمع اسمع فكني توا من دوة (بوك) أنى (بوك) اعرف شن اللي درته وشن اللي قلته وشن اللي فعلته على خاطر الموضوع اللي صار فكني متخشليش في مواضيع (محمد) ومتدخلش في موضوع (بوك) وموضوع قصدي أنى كان الموضوع بنفكر فيه زي ما تقولي انت راه مدرتش الشي مع الشخص اللي درت معاه وانت تعرف الشي هذا اللي درته معاه منفكرش يوم أنى نديره معاه فهمتني كيف؟ فكني من دوة (بوك) ومن دوة (محمد) خوك مهوش موضوعي ومتبداش تلبز في الدوة (علي) الله يرحم والديك وخلص.

نهاية التفريغ

2 المقطع الثاني يحمل اسم (2...unknown) ومدته الزمنية (00:31) احدى وثلاثون ثانية وهي تسجيل صوتي لمحادثة بين شخصين اشير اليهم بالطرف الأول والطرف الثاني لعدم معرفة هويتهم:

بداية التفريغ

الطرف الأول: اسمع مني.

الطرف الثاني: شيباني والله ما ليه علاقة لا بتركيا لا اممكن مشالها مرة ولا ميندريش عليها ولا يمكن الشقة محطش فيها رجل علاش المواضيع هذه يارا..

الطرف الأول: والله ما عنده علاقة صح صح والله ما عنده علاقة لان علاش مسكين مستلمهمش هو الفلوس خدام فرخه، باع وصرف ودار ويزنس وخسر ضحكوا عليه ضحك عالناس معنداش علاقة.

الطرف الثاني: فهمتك ايه.

الطرف الأول: ورط بوه ورط بوه.

الطرف الثاني: ومش أي ورطه ره مش أي ورطه ره.

الطرف الأول: والله العظيم والله ورطه ...

نهاية التفريغ

اعتماد رئيس قسم ضبط شؤون المعلوماتية والاتصالات
بمكتب النائب العام



3 المقطع الثالث يحمل اسم (2.unknown) ومدته الزمنية (00:28) ثمانية وعشرون ثانية وهي تسجيل صوتي لمحادثة يعتقد بانها بين المدعو (جمال) وشخص اخر مدعو ب (دكتور) حسب ما جاء في المحادثة وهي كالتالي:

بداية التفريغ

دكتور: الويا (جمال) الويا (جمال).

جمال: نعم يا (دكتور)

دكتور: شن الأمور؟

جمال: نسمع فيك.

دكتور: ان شاء الله مشت الأمور على خير قتلك؟ والله فرحت بطلعته الراجل أنى.

جمال: لا الحمد لله.

دكتور: والله فرحت بطلعته الراجل.

جمال: لا لا الحمد لله مشت الأمور ودرناها مكى ومشت الأمور الحمد لله.

دكتور: والله ديما الأمور الودية الاخير من الوجيج الثاني تبي الحق.

جمال: والله الانبو الامكي من الأول يا دكتور اما والله الا اللي صبحنا فيه (علي) (كلام غير

مفهوم) متمشيش مكى فهمت؟ اما الله غالب وخلص.

دكتور: أنى والله ما وجعتني الا

نهاية التفريغ

4 المقطع الرابع يحمل اسم (3.unknown) ومدته الزمنية (00:58) ثمانية وخمسون ثانية وهي تسجيل صوتي لمكالمة يعتقد بانها بين المدعو (جمال) وشخص اخر يدعى (حاج) حسب ما جاء في المحادثة وهي كالتالي:

بداية التفريغ

حاج: بالله عليك بالله عليك بالله عليك يا (جمال) ما استطعتم هدوا الأمور وخلوها وخلوها تحز

على خير بالله عليكم.

جمال: عليا شخصيا؟

حاج: يا راجل صحاب وعشرة عمر.

جمال: (كلام غير مفهوم)

حاج: أنى نبي يا راجل سبقوا الباهي بالك يولي لعقله بالك كله يصير.

جمال: الله اعلم؟

حاج: كله يصير انت صاحب صغار وهو صاحب صغار انت عندك عويلة وهو عنده والدين.

جمال: تريس واللي يجيني والله اللي يجي يمشي (كلام غير مفهوم) اهو (صالح) و (محمد)..
(كلام غير مفهوم) شن تبوا قال بنروحوا بعمي بنعطوك وخاسر، قتله برا روح بيه والله الامشيت
والله لين كلمت الشيخ وطلعه **(الشيخ عبد الرؤوف)** نقدره يا (حاج) ميطلعش يجيبلي فلوسي
كامالات.

حاج: تقدر.

جمال: وناخذهم بزيادة.

حاج: تقدر.

جمال: نقدر وهما يعرفوا اما يا (حاج) برا لوجه الله هوني برا يا (حاج) برا تم، قاعد ندير في الباهية
معاه....

نهاية التفريغ

المقطع الخامس يحمل اسم (3..3 اقرار صريح من جمال انه اخذ فلوسه كاملات واخذهم
بزيادة. unknown) ومدته الزمنية (00:28) ثمانية وعشرون ثانية وهو يعتقد بانه مقطع
مقتطع من التسجيل السابق الذي يحمل اسم (3.unknown) وهي كالتالي:

بداية التفريغ

جمال: تريس واللي يجيني والله اللي يجي يمشي (كلام غير مفهوم) اهو (صالح) و (محمد)..
(كلام غير مفهوم) شن تبوا قال بنروحوا بعمي بنعطوك وخاسر، قتله برا روح بيه والله الامشيت
والله لين كلمت الشيخ وطلعه **(الشيخ عبد الرؤوف)** نقدره يا (حاج) ميطلعش يجيبلي فلوسي
كامالات.

حاج: تقدر.

جمال: وناخذهم بزيادة.

حاج: تقدر.

جمال: نقدر وهما يعرفوا اما يا (حاج) برا لوجه الله هوني برا يا (حاج) برا تم، قاعد ندير في الباهية
معاه....

نهاية التفريغ



المقطع السادس يحمل اسم (unknown). اقرار صريح بانه باع العقارين بي مليون وثمانمائة ,, 4) ومدته الزمنية (00:37) سبعة وثلاثون ثانية وهي تسجيل صوتي بين المدعو (جمال) و (دكتور) حسب ما جاء في المحادثة وهي كالتالي:

6

بداية التفريغ

جمال: قتله راضي يا (دكتور)؟ وقال ا هوني أنى واخذهم، قتله توا (كلام غير مفهوم) أنى معنديش علاقة بيك اقمع زي ما أنى بعثلك (بمليون وثمانمئة) مفروض تكون انت واقف على رزقك ...

دكتور: ايه بيع رزقك وخلصني بيع رزقك وخلصني.

جمال: يحسابه هو قصدي هو والله يا (دكتور) مع احت... يعرف (جمال) يدير ويعرف مطواه و (جمال) عنده علاش نوصلوا لهكي!؛

دكتور: والله ما ليها معنى والله ما ليها معنى.

جمال: هيا اهو جاني (صالح) ولد عمك هي وجاني (محمد) الشيخ الملتزم هي بالك رديتهم بالك هددته قتله نديرلك يا ولد ال..

نهاية التفريغ

المقطع السابع يحمل اسم (unknown). غضب فيصل من شهادة الضاوي البكشى... (5) ومدته الزمنية خمسة وعشرون وهو كالتالي:

7

بداية التفريغ

معاش تبي تكلمني تركب على امي أنى بس قادر على دين امي أنى برا هوني شوف روحك، راجل راجل سلفي وحامل كتاب الله مخليه خاش مجمع المحاكم ما هو قلت لامك من الأول متغل.. ما ما مستشهداش (الضاوي)، راجل ماشي مجمع المحاكم برا يمين وبراي يسار استنى لين انضبحوا عليك.

تي برا شيط كان بتشيط يا راجل برا برا امشي مركب عليا أنى ديما.

نهاية التفريغ

عدد صفحات التقرير (16).

8

صور المبرزة الأولى فلاش ميموري (32 جيجا)



محتويات المبرزة الأولى فلاش ميموري (32 جيجا)



صور المبرزة الثانية فلاش ميموري (4 جيجا)



محتويات المبرزة الثانية فلاش ميموري (4 جيجا)



ملاحظة:

مرفق بالتقرير قرص مدمج (CD) يحتوي على جميع البيانات التي تم استخراجها من المبرزة.

اعتماد رئيس قسم ضبط شؤون المعلوماتية والاتصالات
بمكتب النائب العام

إعداد: 18 إشراف: 12